



PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE
PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE
PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE
PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE
PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE PIONEERJUNIORCOLLEGE

JC2

**PRELIM EXAMINATION
2017**

MALAY LANGUAGE & LITERATURE (H2)

Paper 1 (Part II)

9565/1

SECTION A & B

18 Sept 2017

Duration: 2 hr 30 mins

1400 - 1630 hr

(Includes 15 min administration break)

ARAHAN

1. Jawab SEMUA soalan
2. Baca arahan yang diberikan bagi setiap bahagian dengan teliti dan jawab seperti yang diarahkan.

ARAHAN : Jawab SEMUA soalan

BAHAGIAN A (5 markah)

Arahan : Dalam petikan karangan di bawah ini, terdapat 5 tempat kosong. Isi setiap tempat kosong ini dengan perkataan yang sesuai, mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan.

Syarikat minuman yang memberikan komitmen untuk mengurangkan kandungan gula dalam produk mereka bersiap sedia untuk memenuhi sasaran mengehadkan tahap kandungan gula kepada sebanyak 12 peratus. Tujuh syarikat minuman tersebut menunjukkan kebanyakan produk mereka sudah pun berada di bawah (1) _____ itu. Kementerian Kesihatan (MOH) telah mengumumkan bahawa tujuh syarikat seperti Coca-Cola, F & N Foods, Malaysia Dairy Industries, Nestle, PepsiCo, Pokka dan Yeo Hiap Seng, telah memberi komitmen (2) _____ kandungan gula sebanyak 12 peratus bagi minuman yang dijual di Singapura menjelang 2020. Meskipun (3) _____ paras gula dalam minuman ini dialu-alukan, individu juga perlu (4) _____ makanan dan minuman lain yang bergula seperti air perahan buah-buahan, kata Dr Zuraimi Mohamed Dahlan. Makanan yang mengandungi *simple sugars* seperti kek, kuih-muih, mi kuning, nasi putih, roti perata dan roti putih haruslah (5) _____; tetapi hendaklah dilebihkan makanan berserat yang berasal daripada nasi perang atau tepung bijirin penuh.

(Sumber daripada *Berita Harian, Khamis, 24 Ogos 2017*)

(lihat halaman sebelah)

BAHAGIAN B (30 markah)

Arahan : Baca petikan karangan di bawah ini dengan teliti.

GLOBALISASI merupakan sebuah era yang membuat umat manusia tidak lagi tersekat dengan batasan nilai-nilai, geografi ataupun wilayah pentadbiran negara. Globalisasi itu diiringi dengan era digital, sebuah era terjadinya revolusi telekomunikasi, informasi yang luar biasa. Ia menyebabkan hubungan antara umat manusia di dunia ini semakin utuh, semakin cepat, mudah dan murah berkomunikasi. Tentu banyak perkara positif yang mampu kita dapatkan daripada globalisasi dan era digitalisasi.

Tidak kurang pentingnya, kita perlu **berwaspada** terhadap banyak nilai yang saling tidak sejajar dengan nilai yang selama ini kita anuti. Tidak kurang pentingnya ialah persaingan hidup. Hakikat kehidupan semakin sukar kerana Tuhan tidak lagi mencipta tanah, hutan dan lautan, tempat di mana manusia tinggal. Jumlah manusia dari semasa ke semasa terus bertambah. Ini mempunyai implikasi terhadap ekonomi, undang-undang, politik dan sosial.

Sesebuah agama itu hakikatnya diturunkan oleh Tuhan dalam rangka agar kehidupan antara manusia sejagat semakin lebih baik antara satu sama lain dan saling melindungi, memelihara darjat martabat kemanusiaan. Dalam menjalani kehidupan yang penuh persaingan, pergeseran makna boleh berlaku kerana manusia menggunakan agama buat kepentingan mereka.

Agama yang hakikatnya begitu mulia lalu kemudian disalahgunakan, diperalat, sebagai alasan bagi mereka berkonflik bagi kepentingan yang diperjuang dalam persaingan hidup yang semakin sukar dan mencabar. Inilah yang menyebabkan konflik agama. Yang sesungguhnya tidak ada agama yang berkonflik. Tidak ada satu agama yang mengajarkan kita merendahkan darjat martabat kemanusiaan kita. Semua agama hakikatnya membicarakan pada hal yang sama – manusia tetap dimuliakan sebagai manusia. Akan tetapi, agama digunakan sebagai alat bagi tujuan sebaliknya.

Kalau kita lihat dari perspektif yang mendalam, semua agama akur tentang hal yang sama seperti menegakkan keadilan, menghargai hak asasi manusia, persamaan di mata undang-undang, jangan mencuri, jangan berbohong, dan jangan membunuh.

Maka cabaran tokoh agama hari ini dan masa hadapan adalah bagaimana menggembelng tenaga bersama **penyelenggara** negara menentukan mutu peradaban dunia pada masa hadapan. Penyelenggara negara mendapatkan **mandat** mengelola negara dan masyarakat, dan tokoh agama yang menjadi anutan – agar bersama mengembalikan agama ke dasar yang sebenarnya, iaitu memanusiaikan manusia, bukan meniagakan antara darjat dan martabat. Malah, cabaran tokoh agama juga adalah untuk memikirkan bagaimana ajaran sesebuah agama yang diajar di Singapura selari dengan konteks masyarakat majmuk.

Justeru, adalah satu kepentingan bagi tokoh agama khususnya untuk lebih menampilkan aspek dalaman sesebuah agama itu di tengah-tengah masyarakat yang majmuk dan multi-budaya. Maka, kesederhanaan agama itulah yang harus dikedepankan. Beragama secara sederhana, tidak ekstrim dan tidak juga berlebihan. Kesederhanaan dalam beragama perlu ditampilkan agar toleransi yang tinggi, kemahuan dan kemampuan menghargai, menghormati perbezaan pelbagai kaum dapat dicapai. Di anjurkan juga kerjasama yang lebih erat antara pemimpin politik dan akar umbi yang lebih peka demi mewujudkan kepimpinan agama yang progresif.

(Berita Harian, 14 Julai 2017, “*Tonjolkan Persamaan dan Kesederhanaan Agama*”)

Arahan: Berdasarkan petikan karangan di halaman 3, jawab soalan-soalan berikut dengan menggunakan ayat kamu sendiri. Kemudian, tulis jawapan kamu di kertas jawapan yang disediakan.

- 6 Manusia zaman ini hidup bebas dalam dunia tanpa sempadan akibat daripada globalisasi. Nyatakan impak globalisasi yang berlaku pada era ini. (6 markah)
- 7 Adakalanya manusia salah tafsirkan agama sehingga sanggup menyetepikan nilai kemanusiaan? Jelaskan kesannya terhadap kehidupan manusia sejagat. (6 markah)
- 8 Keutamaan sesebuah agama adalah menghargai hak asasi manusia dan menegakkan keadilan. Bagaimana tokoh agama menyahut cabaran dari sudut perspektif agama dalam negara majmuk seperti Singapura? (6 markah)
- 9 Kesederhanaan dalam beragama bagi negara yang multi-kaum dan budaya penting bagi kesejahteraan negara. Berikan pandangan kamu. (6 markah)
- 10 Terangkan maksud perkataan-perkataan yang berikut mengikut konteks petikan karangan yang diberikan. (6 markah)
 - (a) berwaspada
 - (b) penyelenggara
 - (c) mandat

SELESAI